

摘藻堂四庫全書薈要

史部

欽定四庫全書薈要

史部

御批歷代通鑑輯覽卷十八

詳校官原任編修臣徐立綱



欽定四庫全書蒼要卷七千四百七十一

御批歷代通鑑輯覽卷十八

漢

皇帝

元元年春正月葬孝宣皇帝杜陵

在西安府咸寧縣東南考漢書

帝本紀凡書葬皆曰葬某陵孝宣葬于元帝元年故特書諡以別今依之

呂氏祖謙曰宣帝綜核名實信賞必罰功先祖宗業垂後嗣然用恭顯而啟元帝之信官者貴許史而啟成帝之任外戚殺趙蓋韓楊而啟哀帝之誅大臣故論其功則為中興之君論其過亦為基禍之主

大赦

是月以三輔太常郡國公田及苑可省者振業貧民

賦貸種食

顏師古曰賦給與之也貸假也

三月立皇后王氏

即王政君

后父禁有四女八男后次女也長男鳳

字孝

次曼

字元

卿

譚 字子元

宗

字少子商

字子夏立

字子叔根

字子卿逢

時

字子卿

禁多取傍妻惟鳳宗與后同母

母李禁嫡妻任后在身夢月入其懷後以

出后既立禁封平陽侯

食邑同郡永光二年禁卒鳳嗣侯

夏六月大疫

詔大官省膳減樂府員省苑馬以振困乏

秋九月關東大水饑

關東郡國十一大水饑人或相食轉旁郡錢穀以相

救

以貢禹

貢氏子貢之後以字為氏禹字少翁琅邪人

為諫大夫

上素聞王吉貢禹皆明經潔行

吉與禹為友世稱王陽在位貢禹彈冠言

其取舍

遣使者徵之吉道病卒

上悼之遣使者弔祠焉

禹至拜

元帝踐阼之初  
忌在讒佞擅權  
優柔不斷禹所  
言恭儉節慎非

切中當時要務  
蓋泛論權臣所  
不思聊以塞責  
耳述其生平受  
石顯之薦劾劉  
向之罪太節可  
以矣

諫大夫問以政事禹言古者人君節儉什一而稅亡

他賦役故家給人足高祖文景宮女不過十餘廐馬

百餘匹故時齊三服官

李斐曰齊國舊有三服之官  
春獻冠幘緹為首服紈素為

冬服輕綃為

夏服凡三輸物不過十筭今工作數千歲費鉅萬

廐馬食粟將萬匹惟陛下深察古道從其儉者天生

聖人蓋為萬民非獨使自娛樂已也帝善其言下詔

令諸宮館希幸御者勿繕治太僕減穀食馬水衡省

肉食獸省宜春下苑以與貧民遷禹為光祿大夫

初置戊巳校尉

師古曰甲乙丙丁庚辛壬癸皆有正位惟戊巳寄治今所置校尉亦無常居故

以戊巳為名也有戊校尉巳校

尉有丞司馬各一人候五人

使屯田車師故地

宣帝元康二年以車師地與匈奴今匈奴款服故復屯田其地

甲二年春正月下蕭望之周堪及宗正劉更生

字子政陽城侯

德子後改名向

獄皆免為庶人

時史高以外屬領尚書事望之堪副之二人皆以師

傅舊恩

望之前以御史大夫左遷太子太傅堪亦前為太子少傅

帝任之數宴見

言治亂陳王事選宗室明經有行劉更生給事中與

侍中金敞

日磾姪安上之子

並拾遺左右四人同心謀議勸

導上以古制多所匡正史高充位而已由是與望之

有隙中書令

臣瓚曰漢初中人有中謁者令孝武加為中書謁者令百官表中書謁者黃門

諸僕射署長中黃門皆屬焉

弘恭

沛人僕射

注見前

石顯

濟南人

自宣帝

時久典樞機及帝即位多疾以顯中人無外黨遂委

以政事事無大小因顯自決顯巧慧能深得人主微

旨內深賊持說辯以中傷人與高表裏望之既患許

史放縱又疾恭顯擅權建白以為中書政本國家樞



機宜以通明公正處之武帝遊宴後庭故用宦者非古制也宜罷中書宦官應古不近刑人之義帝不聽而出更生為宗正望之堪數薦名儒以備諫官鄭朋會稽人陰欲附望之上疏言許史罪過堪白令待詔金

馬門

注見前

後知其傾邪絕不與通朋怨恨更求入許

史推所言事曰皆堪更生教我待詔華龍欲入堪等堪等不納亦與朋相結恭顯乃令二人告望之等欲疏退許史狀事下恭顯推問恭顯因奏望之堪更生

不知廷尉為獄  
已屬愆憲既知  
而出之獄又聽  
聽以免為庶人  
元帝之為人可  
知矣罷珠崖故  
唐德皆小節耳  
何足稱哉

朋黨相稱舉毀離親戚欲以專擅權勢為臣不忠請  
召致廷尉時上初即位不省召致廷尉為送獄可其  
奏後上召堪更生曰繫獄上大驚曰非但廷尉耶以  
責恭顯皆叩頭謝上曰令出視事恭顯使高說上皆  
免為庶人

二月隴西地震

壞太上皇廟敗城郭室屋壓殺人眾是秋七月地復震  
夏四月立子鶩為皇太子

待詔鄭朋奏張敞先帝名臣宜傅太子上問蕭望之  
望之曰敞能吏任治繁亂材輕非師傅之器上欲以  
為左馮翊會敞病卒

冬賜蕭望之爵關內侯

詔曰故前將軍望之傳朕八年道以經術厥功茂焉  
其賜爵關內侯食邑朝朔望坐次將軍

以周堪劉更生為中郎尋繫獄免十二月蕭望之自殺  
以宦者石顯為中書令

上復徵周堪劉更生欲以為諫大夫恭顯白以為中  
郎上器重蕭望之不已欲倚以為相恭顯許史皆側  
目更生乃使其外親上變事言地震殆為恭等宜退  
恭顯以彰蔽善之罰進望之等以通賢者之路恭顯

疑更生所為請考姦詐辭服遂繫獄

下太傅韋元成  
諫大夫貢禹與

廷尉雜考劾更生前為九卿坐與望之謀排許史而  
欲專權幸不伏誅復蒙徵用又教人言變事誣罔不

通免為庶人會望之子伋

官散騎  
中郎

亦上書訟望之前

事事下有司復奏望之教子上書失大臣體不敬請

逮捕上曰太傅素剛安肯就吏顯等曰人命至重望之所坐語言薄罪必無所憂乃可其奏顯等令謁者召望之因急發執金吾車騎圍其第望之以問門下

生朱雲

魯人徙平陵事望之受論語時顯用事百僚畏之惟御史中丞陳咸年少抗節不附顯等

而與雲相結

陳

雲好節士勸望之自裁望之嘆曰

咸字子康萬年子

吾嘗備位將相年踰六十矣老入牢獄苟求生活不亦鄙乎飲鴆自殺帝聞之驚拊手曰曩固疑其不就牢獄果然殺吾賢傳卻食涕泣召顯等責問以議不

詳皆免冠謝良久然後已

詔令長子伋嗣為關內侯每歲時遣使祭其冢是

歲恭死遂以顯為中書令

乙亥三年春罷珠崖郡

珠崖諸縣叛

儋耳珠崖民暴惡數犯吏自武帝元鼎六年置郡至昭帝始元元年凡六反五

年罷儋耳郡並屬珠崖宣帝神爵三年珠崖三縣反甘露元年九縣反輒發兵擊定之至是又叛 發

兵擊之連年不定上與有司議大發軍待詔賈捐之

誼曾孫 曰臣聞秦興兵遠攻貪外虛內而天下潰叛孝

武皇帝厲兵馬以攘四夷賦繁役重寇賊並起是皆

廓地太大征伐不休之故也今關東民困流離道路

至嫁妻賣子法不能禁此社稷之憂也願遂棄珠崖

專用恤關東為憂奏上

上以問丞相御史御史大夫陳萬年以為當擊丞相于

定國以為前日興兵擊之護軍都尉校尉凡十一人還者二人卒士及轉輸死者萬人以上費用三萬萬餘尚不能降今關東困乏民難搖動捐之議是

從之詔罷珠崖郡民有慕義

欲內屬便處之不欲勿彊

以周堪為光祿勳張猛

堪弟

為光祿大夫給事中

五年春正月以周子南君

名延其祖父姬嘉武帝時封

為周承休

故城在今河南汝州漢  
立周後國于此後廢侯

夏四月有星孛于參

漢書天文志參為白虎三星直者是為衡石下有三星銳曰罰為斬

艾事其外四星左右肩股也

六月以貢禹為御史大夫

禹由光祿大夫遷長信少府帝用禹言詔大官毋日

殺所具各減半罷角抵齊三服官北假田官

北假地名在吳

制武西北史記秦使蒙恬鹽鐵官常平倉博士弟子

毋置員以廣學者省刑罰七十餘事時御史大夫陳



萬年卒以禹代之禹在位數言得失書數十上帝嘉

之十二月卒以長信少府薛廣德

字長卿沛郡相人

為御史

大夫

戊寅永光元年春正月郊泰時

上郊泰時禮畢因留射獵薛廣德曰關東困極人民  
流離陛下日撞亡秦之鐘聽鄭衛之樂臣誠悼之今  
士卒暴露從官勞倦陛下亟反宮思與百姓同樂天

下幸甚上即日還

是秋上酎祭宗廟出便門欲御樓船廣德當乘車免冠頓首曰宜從

橋詔曰大夫冠廣德曰陛下不聽臣臣自刎以血汙車輪陛下不得入廟矣上不悅光祿大夫張猛進曰臣聞主聖臣直乘船危就橋安聖主不乘危御史大夫言可聽上曰曉人不當如是耶乃從橋

丞相定國御史大夫廣德罷以韋元成為御史大夫

上自即位連年災害言者歸咎大臣于是上以朝日引見丞相責以職事定國等惶恐上書自劾乞骸骨乃賜安車駟馬黃金罷就第

城門校尉諸葛豐

葛伯之後居琅邪諸縣人謂之諸葛遂以為氏豐字少季琅邪人

有

罪免左遷周堪為河東太守張猛為槐里

注見前 令

石顯憚堪猛等數譖毀之劉更生懼其傾危上封事

諫

略曰臣聞舜命九官濟濟相讓和之至也衆臣和于朝則萬物和于野和氣致祥乖氣致異正臣進

者治之表正臣陷者亂之機也夫執狐疑之心者來譖賊之口持不斷之意者開羣枉之門讒邪進則衆賢退羣枉盛則正士消今用賢如轉石去邪如拔山如此望陰陽之調不亦難乎陛下誠深思天地之心以揆當世之變杜閉羣枉之門廣開衆正之路決斷狐疑分別猶豫則百異消滅而衆祥並至太平之基萬世之利也

顯見其書愈與許氏比而怨更生等是歲夏

寒日青顯及許史皆言堪猛用事之咎帝內重堪又患衆口浸潤無所取信時長安令楊興以材能幸常

稱譽堪帝欲以為助乃問興朝臣斷

魚中

斷

爭辨之意

不

可光祿勳何耶興傾巧謂帝疑堪因順旨曰堪非獨不可于朝廷即州里亦不可也臣前見衆人以為當誅故言堪不可誅為國養恩也帝于是疑之城門校尉諸葛豐以剛直著名上書告堪猛罪帝不直豐乃詔御史曰豐前數稱堪猛之美為司隸校尉專作苛暴

京師為之語曰間何濶逢諸葛言何久不見以逢諸葛故也

朕不忍下吏以為

城門校尉不內省已而反怨堪猛告按無證之辭暴

捐之朋比為奸  
自貽伊戚短顯  
薦顯尤所謂投  
人以交不智之  
甚者子與氏所  
惡於小有才尚  
非其比與亦傾  
邪小人熱中躁

揚難驗之罪毀譽恣已不顧前言其免為庶人豐言  
堪猛貞信不立朕惜其材能未有所效其左遷堪為  
河東太守猛槐里令

待詔賈捐之棗市

初捐之與楊興善捐之數短石顯以故不得官希復  
進見興新以材能得幸捐之欲得召見謂興曰京兆尹

缺使我得見言君蘭

興字

京兆尹可立得興曰君房

捐之

字下筆言語妙天下使君房為尚書令勝五鹿充宗

進其後雖探封  
王氏實不足蓋  
其前忽耳

風俗通五鹿衛邑晉文公封舅犯于此後  
遠甚捐之  
因為此克宗頓邱人顯之黨時為少府

曰令我得代克宗君蘭為京兆京兆郡國首尚書百  
官本天下真大治士則不隔矣興曰顯方信用今欲  
進用且與合意即得入矣即共為薦顯奏稱其美捐  
之又作薦興奏以為可試守京兆尹顯聞其謀白之  
帝乃下興捐之獄令顯治之捐之坐罔上不道棄市  
興髡鉗為城旦

己卯二年春二月以韋元成為丞相

元成前削一級為關  
內侯至是為相復封

扶陽  
侯

三月壬戌朔日食

夏六月以匡衡

匡以邑為氏衡字  
稚圭東海承人

為光祿大夫

衡為給事中

初衡以明經稱諸儒為之語曰無說詩  
匡鼎來匡說詩解人頤長安令楊興說

史高辟為議曹高薦于上上  
以為郎中博士遷給事中

上問以日食地震之變

衡上疏曰陛下閔愚民觸法抵禁比年大赦使得自

新天下幸甚臣竊見大赦之後姦邪不為衰止此殆

導之未得其務也今天下貪財賤義廉恥之節薄淫

辟之意縱苟合微幸以身設也施利不改其原雖歲赦

之刑猶難使錯而不用也臣愚以為宜曠然大變其

俗夫朝廷者天下之楨幹也公卿相與循禮恭讓則

民不爭好仁樂施則下不暴尚義高節則民興行寬

柔而惠則衆相愛四者明王所以不嚴而成化也今

長安天子之都親承聖化然其習俗無以異于遠方

郡國來者無所法則或見侈靡而放效之此教化之

原本風俗之樞機宜先正者也臣聞天人之際精祲



氣有以相盪善惡有以相推事作乎下者象動乎也  
上陰變則靜者動陽敵則明者晦水旱之災隨類而  
至陛下祇畏天戒哀閔元元宜省靡麗考制度近中  
正遠巧佞以崇至仁匡失俗道德鴻于京師淑問揚  
乎疆外然後大化可成禮讓可興也上悅其言遷衡  
為光祿大夫

秋七月隴西羌反遣右將軍馮奉世將兵擊破之

羌反上詔丞相元成等入議右將軍馮奉世曰西羌

奉世所陳頗為  
明決至謂用兵  
之數必計敵而  
倍之欲以兩人  
制一人不堪一  
隊白登之圍可  
殲精兵四十萬  
法當用八十萬  
倉卒何由而得

近在境內背叛不以時誅無以制遠臣願帥師討之

上問用兵之數對曰臣聞善用兵者役不再興糧不

三載師不久暴而天誅亟決今叛羌無慮三萬人法

當倍用六萬人然羌戎之兵器不犀利可用四萬人

一月足以決丞相御史皆以為民方收斂發萬人屯

守之且足奉世曰不可以萬人分屯三處戰則挫民

病師守則百姓不救如此怯弱之形見羌人乘利諸

種並和將相扇而起故少發師而曠日與一舉而疾

決利害相萬也固爭之不能得有詔益二千人遣奉

世到隴西分屯三處護軍都尉韓昌先遣兩校尉與

羌戰為所破殺奉世具上地形部眾多少之計願益

三萬六千人上為發六萬人

以太常任千秋為奮冬威將軍將五校並進

十月大破羌虜斬首數千級餘皆走出塞

明年奉世還賜爵關

內侯

庚辰三年春三月立子康為濟陽

故城在河南開封府蘭陽縣

王

後徙山陽

定陶王傅昭儀子

冬十一月地震雨水

己<sup>辛</sup>四年夏六月戊寅晦日食以周堪為光祿大夫張猛為大中大夫堪卒猛自殺

上以日食召諸前言日變在堪猛者責問皆稽首謝因下詔稱堪之美徵拜光祿大夫領尚書事猛復為

大中大夫給事中石顯管尚書尚書五人

漢舊儀尚書四人為

四曹常侍尚書主丞相御史事二千石尚書主刺史二千石事戶曹尚書主庶人上書事主客尚書主外國事成帝始置五人有三公曹主斷獄事是時尚書員止四人胡三省曰顯與牢梁五鹿充宗伊嘉陳順

五人皆典領尚書雖未有定員實亦五人也

皆其黨堪希得見常因顯白

事事決顯口會堪疾暗不能言而卒顯誣譖猛令自

殺于公車

劉更生傷之乃著疾讒搆要救危及世頌凡八篇以悼之更生亦坐廢十餘年

冬十月罷祖宗廟在郡國者

初貢禹奏言孝惠孝景廟皆親盡宜毀又郡國立廟

不應古禮宜止定

高祖時令諸侯王國都皆立太上皇廟至惠帝尊高帝廟為太祖廟

景帝尊孝文廟為太宗廟行所幸郡國各立太祖太宗廟至宣帝本始二年復尊孝武廟為世宗廟行所巡守亦立馬凡祖宗廟在郡國六十八廟合百六十七所而京師自高祖下至宣帝與太上皇悼皇考各

自居陵旁立廟而昭靈后武哀王昭哀后孝文太后  
衛思后戾太子戾后亦各有寢園故禹請毀之昭  
靈后高祖母武哀王高祖兄昭  
哀后高祖妯衛思后戾太子母 帝是其議至是行之

時禹已 尋復從韋元成議毀太上皇孝惠帝寢廟園  
先卒

事在 後又罷孝文太后孝昭太后寢園  
五年 事在建昭元  
年後五年秋

復太上皇寢廟園原廟昭靈后武哀王昭哀后衛思  
后園竟寧元年春又復孝惠帝寢廟園孝文太后孝  
昭太后寢園五月復悉毀之至成帝河  
平二年以無繼嗣又復太上皇寢廟園

壬午五年秋潁川大水

以匡衡為太子少傅

上好儒術文辭頗改宣帝之政言事者多進見又傳

昭儀

傳出商傳說之後以地為氏

及濟陽王康愛幸逾于皇后太

子衡上疏曰臣聞治亂安危之機在乎審所用心傳  
曰審好惡理性情而王道畢矣治性之道必審已之  
所有餘而彊其所不足蓋聰明疏通者戒于太察寡  
聞少見者戒于壅蔽猛勇剛强者戒于太暴仁愛溫  
良者戒于無斷湛靜安舒者戒于後時廣心浩大者  
戒于遺忘必審已之所當戒而齊之以義然後巧偽

之徒不敢比周而望進臣又聞室家之道修而天下之理得故聖主必慎后妃之際別嫡長之位卑不踰尊新不先故嫡子冠乎詐衆子不得與列所以貴正體而別嫌疑也非虛加其禮文而已如當親者疎當尊者卑則巧佞之姦因時而動以亂國家故聖人慎防其端禁于未然不以私恩害公義傳曰正家而天下定矣

河決



初武帝既塞宣防

見元封二年

河復北決于館陶分為屯

氏河

漢書地理志魏郡館陶河水別出為屯氏河東北至章武入海過郡四行千五百里水經大河

故瀆自沙邱堰南分屯氏河出焉今山東之館陶

冠縣邱縣茌平高唐州及直隸之大名景州寧津南

皮滄州鹽山俱東北入海寰宇記毛河在清池縣西

有屯氏河故道南至鹽山入海蓋自隋時

誤以屯氏為毛氏後遂直稱為毛河也清池

故城在今直隸滄州鹽山今縣屬直隸天津府廣深

與大河等

言其與黃河經流相等也馮智舒以大故河源出登州棲霞至福山人海謬矣

因其自然不隄塞也是歲河決于清河靈

漢縣故城在今山東東昌

府高鳴犢口

顏師古曰清河郡之靈縣鳴犢口也今故瀆在高唐州南

而屯氏河

絕考漢書地理志鳴犢河東北至蓼入七氏河  
其曰絕者言蓼縣以上之漬也蓼縣注見前

未癸建昭元年春正月隕石于梁

冬帝如長楊射熊館

長楊宮名在盩厔縣東南三輔黃圖宮中有垂楊數畝門曰射熊

布車騎大獵復幸虎圈

注見前

鬪獸後宮皆坐熊佚出

圍攀檻欲上殿左右貴人傅昭儀等皆驚走馮婕妤

左將軍

奉世女直前當熊而立左右格殺熊上問人情驚懼

何故前當熊婕妤對曰猛獸得人而止妾恐熊至御  
坐故以身當之上嗟嘆倍敬重焉傅昭儀慙于是與

馮倬仔有隙

甲二年夏六月立子興

馮倬仔出

為信都

即廣川國廣

王後從

中山堯子衍

嗣即平帝

秋殺魏郡太守京房

字君明潁邱人本姓李推易自定為京氏

房學易于焦延壽

梁人字贛亦曰焦贛以郡吏察舉補小黃令

延壽常曰

得我道以亡身者京生也其說長于災變分六十四

卦更直日用事

孔穎達易正義卦氣起中孚故離坎震兌各主其一方其餘六十卦卦有

六爻爻主一日凡主三百六十日餘有五十四日  
之一每日分為八十分五十分四百分四分日之一

又分為二十分六十卦分之卦各得七分是以風雨  
每爻直一日有奇而每卦直六日七分也

寒溫為候各有占驗

房好鍾律知音聲

以孝廉為郎屢言災

異有驗上說之數召見問房對曰古帝王以功舉賢  
則萬化成瑞應者末世以毀譽取人故功業廢而致  
災異宜令百官各試其功災異可息詔使房作其事  
房奏考功課吏法上意嚮之時石顯專權房嘗晏見  
問上曰幽厲之君何以危所任者何人也上曰君不  
明而所任者巧佞房曰齊桓公秦二世亦嘗聞此君

而非笑之然所任豎刁趙高政治日亂何不以幽厲

卜之而覺寤乎上曰唯有道者能以往知來耳房免

冠頓首

言春秋紀二百四十二年災異以示萬世今陛下即位以來日月失明星辰逆行山崩泉

湧地震石隕夏霜冬雷春凋秋榮水旱螟蟲民人飢疫盜賊不禁刑人滿市春秋所紀災異盡備曰

陛下視今為治邪為亂邪上曰亦極亂耳尚何道房

曰今所任者誰與上曰然幸其愈于彼又以為不在

此人也房曰前世之君亦皆然矣臣恐後之視今猶

今之視前也上良久迺曰今為亂者誰哉房曰明主

宜自知之上曰不知也如知何故用之房曰上所最

信任與圖事惟幄之中進退天下之士者是矣房指

石顯上亦知之謂房曰已諭後卒不能退顯顯與五

鹿充宗疾房欲遠之建言以房為魏郡太守得以考

功法治郡房去月餘顯知房與張博為淮陽王求朝

奏草

博淮陽王之舅從房受學以女妻房博知帝欲用房而為眾所排欲令王上書求入朝以助房

因記房所說災異及為王

求朝奏草皆持以與王

告房等泄漏省中語誹謗

政治註誤諸侯王皆下獄棄市妻子徙邊

初房見帝道幽厲事

房且棟自不  
沒至其扶淮  
以求助已不  
矣馬能正人  
無石顯亦足  
身焦延壽先

見之言豈獨於  
字易占變決之

久與子語至夜  
牛且明云大要  
致語此誰所傳  
石或美咸為直  
比子謂定非考  
丁

出為御史大夫鄭弘言之弘亦坐免為  
庶人自殺 鄭弘字稚卿泰山剛人

下御史中丞陳咸獄髡為城旦

初咸以父萬年任為郎有異材抗直數言事

萬年嘗  
教戒之

語至夜半咸睡萬年怒欲杖之咸因叩頭謝曰  
茲已具曉所言大要教咸諂也萬年乃不復言

及遷

御史中丞數毀石顯坐與槐里令朱雲善泄漏省中

語有司考雲風吏殺人上問雲治行丞相元成奏雲  
暴虐無狀咸聞語雲雲上書自訟丞相具發其事

下獄髡為城旦雲亦廢銅

顯威權日盛與中書僕射  
牢梁少府五鹿充宗結為

黨友諸依附者得寵位民歌之曰牢邪石邪五鹿客  
邪印何累累綬若若邪顯聞眾人沟沟言已殺蕭望

之恐天下學士訕已以貢禹明經著節乃深自結納  
爲高位歷九卿禮事之甚備帝嘗使至諸官有所微  
發先自白恐後宮門閉請使詔吏開門上許之顯故  
拔夜還稱詔開門入後果有告顯矯詔開宮門上笑  
以其書示顯顯因泣曰陛下過私小臣屬任以事羣  
下無不疾妬欲陷害臣者事如此非一願歸樞機職  
受後宮掃除之役死無所恨惟陛下哀憐以此全活  
小臣上憐之益勉勞顯顯之設變詐以自解免取信  
人主者皆  
此類也

閏八月太皇太后崩

昭帝上  
官后

冬十一月齊楚地震

大雨雪樹折屋壞



配三年夏六月丞相元成卒諡曰秋七月以匡衡為丞

相封樂安侯

冬西域副校尉陳湯

字子公山陽瑕丘人

矯制發兵與都護甘延

壽

字君况北地郁郅人

襲擊匈奴郅支單于于康居斬之

郅支單于自徙居堅昆

在單于庭之西今鄯羅斯南境地

怨漢擁護

呼韓邪而不助已困辱漢使者江乃始等遣使求侍

子

即駒于利受見甘露元年

漢遣衛司馬谷吉

長安人

送之

貢禹匡衡以為

郅支嚮化未醇所在絕遠宜令使者既至為郅支所送其子至塞而還吉願送至庭許之

殺邛支自知負漢又聞呼韓邪益強恐見襲擊會康居遣使迎邛支欲與合兵取烏孫邛支素怨烏孫遂引兵西康居王以女妻邛支欲倚其威以脇諸國邛支數借兵擊烏孫深入至赤谷城

烏孫大昆彌治于此

烏孫西

邊空虛不居者且千里邛支自以大國又乘勝驕不為康居王禮漢遣使三輩至康居求谷吉等死皆困辱之不奉詔陳湯乃與甘延壽謀襲邛支

湯曰西域本屬匈奴

今邛支威名遠聞常為康居畫計欲降服烏孫大宛如得此二國久之必為中國患今發屯田吏士攻從

烏孫衆兵直指其城下彼亡則無所之守則不自保千載之功可一朝而成也延壽欲奏請湯曰國家與公卿議大策非凡所見事必不從

會延壽病湯獨矯制發諸國兵及

屯田吏士四萬餘人上疏自劾陳言兵狀即日引軍

分為六校其三校從南道踰葱嶺其三校都護自將發溫宿國從北道

溫宿國治溫宿城去長安八千

五百五十里進薄康居城下鹵楯在前戟弩在後土城外

有木城發新燒之四面火起吏士喜大呼乘之康居引卻漢兵推鹵楯並入土城中單于被創死斬其首

傳至京師縣蒙街

顏師古曰蒙街街名

十日

四年以誅郅支

告祠郊廟赦天下  
羣臣置酒上壽

丁亥五年夏六月壬申晦日食

戊竟寧元年春正月匈奴單于來朝

匈奴呼韓邪單于聞郅支既誅且喜且懼入朝自言

願婿漢氏以自親帝以後宮良家子王嬙

字昭君南郡秭歸人

王穰之女

賜之單于喜上書願保塞請罷邊備以休天子

民人議者皆以為便郎中侯應習邊事以為不可許

上問狀應以十事對

畧曰臣聞北邊塞外有陰山東西千餘里草木茂盛多禽獸本

冒頓依阻其中治作弓矢來出為寇孝武世斥奪此地建塞徼起亭隧築外城設屯戍以守之邊境得用少安邊長老言匈奴失陰山之後過之未嘗不哭也如罷備塞戍卒示夷狄之大利不可一也前已罷外城省亭隧纜足候望通烽火安不忘危不可復罷二也中國愚民猶尚犯禁何況匈奴豈能必不犯約三也中國設關梁置屯戍非獨為匈奴亦為諸屬國降民逃亡四也西羌保塞漢吏民貪利侵盜以此怨起而背叛今罷乘塞則生嫚易分爭之漸五也往者從軍多沒不還子孫貧困必出亡從之六也邊人奴婢愁苦聞匈奴中樂欲亡者多七也盜賊犯法亡走北出八也起塞以來卒徒勞苦功費久遠不深慮其終始欲以壹切省錄戍卒然有他變障塞破壞當更繕治累世之功不可卒復九也單于自以保塞守禦請求無已小失其意則不可測十也陰山徐廣曰在五原北考陰山橫障漠北起寧夏賀蘭山當河套北

巨吳刺武歸化城之境蛻蛻而東隨地易名蓋對奏數千里侯應以為東西千餘里亦約畧言之耳

上詔勿議罷邊塞事使許嘉

廷壽子大司馬車騎將軍襲封平恩侯 諭

單于曰單于上書嚮慕禮義所以為民計者甚厚朕

甚嘉之中國四方皆有闕梁障塞非獨以備塞外亦

以防中國姦邪放縱出為寇害也敬諭單于之意朕

無疑焉單于謝曰愚不知大計天子幸使大臣告語

甚厚

歸號王嬙為寧胡閼氏

三月以張譚為御史大夫

初石顯見馮奉世父子為公卿著名女又為昭儀

由

仔進昭儀昭儀位視丞相爵比諸侯王帝時始置

心欲附之薦昭儀兄遂

子

望修教宜侍帷幄帝召見遂遂因言顯專權帝怒罷

遂及御史大夫缺

二月李延壽卒

在位多舉遂兄大鴻臚野

王字君卿

行能第一帝以問顯顯曰九卿無出野王者

然親昭儀兄臣恐後世必以陛下私後宮親以為三公上曰善乃以太子少傅張譚為御史大夫

以召信臣

字翁卿九江壽春人

為少府

信臣先為南陽太守後遷河南治行常第一好為民

興利躬勸耕稼稀有安居通溝瀆起水門提關

關所以墾

水以廣灌溉禁止奢靡務于儉約案其不法以示好  
惡其化大行戶口增倍吏民親愛號曰召父徵為少  
府請諸離宮稀幸者勿復治省樂府諸戲及大官不  
時非法之物歲省數十萬

夏封甘延壽為義成侯賜陳湯爵關內侯

初石顯常欲以姊妻甘延壽延壽不取而陳湯素貪

甘延壽等之傳  
陳居斯邦支可



相得臨敵宜  
改難矯制發兵  
則既上疏自劾  
後亦未嘗有功  
大師其事固當  
於也乃一時口  
玩妄勝後世習  
而不察往往於  
及難之矯詔發  
兵則傳為美話  
於此則過為吹  
毛求疵惡勞喜  
行人之常情蓋  
可鄙矣

所因獲財物入塞多不法司隸校尉繫吏士案驗之

湯上疏言臣與吏士共誅郅支萬里振旅宜有使者

勞迎今司隸反收繫案驗是為郅支報讐也帝立出

吏士令縣道具酒食以過軍既至論功顯與匡衡以

為延壽湯興師矯制幸得不誅如復加爵土則後奉

使者爭欲乘危徼幸為國招難帝內嘉延壽湯功而

重違衡顯之議久之不決劉向上疏訟其功

疏曰郅支囚殺

使者傷威毀重陛下欲誅之意未嘗有忘延壽湯承  
聖指倚神靈出百死入絕域斬郅支之首掃谷吉之

恥且使呼韓稽首來賓願守北藩累世稱臣勲莫大焉論大功者不錄小過舉大美者不疵小瑕宜以時除過勿治尊寵爵位以勸有功于是封延壽為義成侯長水校尉賜

湯爵關內侯射聲校尉

時杜欽上疏追訟馮奉世前破莎車功帝以先帝時事故

不復錄

### 五月帝崩

### 六月太子驚即位

是為孝成帝

太子少好經書寬博謹慎後幸酒

晉灼曰樂五孝燕好酒也反

樂而傳昭儀子山陽王康有材藝

上好音樂或置擊鼓殿下自臨軒檻

上墮銅丸以擗鼓中嚴鼓之節後宮左  
右知音者皆莫能而山陽王亦能之  
帝數稱之駙馬

都尉史丹

高之子

進曰凡所謂材者敏而好學溫故知

新皇太子是也若乃器人于絲竹鼓鼙之間則是陳惠

李微

服虔曰二人皆黃門鼓吹

高于匡衡可相國也于是帝默然

而笑

其後中山哀王薨太子前弔王帝少弟與太子游學相長大上悲不能自止而太子不哀上大

恨曰安有人不慈仁而可奉宗廟為民父母者乎以責誦丹丹免冠謝曰臣誠見陛下哀痛感損切戒太子母哭泣感傷陛下臣罪當死上意乃解

及寢疾數問尚書以景帝時立

膠東王故事

景帝中元六年

史丹以親密臣得侍疾候上獨

人丹跪奏或美其能全嫡嗣然成帝繼而新莽入篡定矣所謂女劉適足以滅劉且不泣與不

次大相運庭元  
仰情階於數言

以解置之不問

至天欲中衰漢

未有非人力所

肥為耳

寢時直入卧内頓首伏青蒲

應劭曰以青規地曰青蒲自非皇后不得至此

上涕泣言曰皇太子以嫡長立天下莫不歸心今者  
道路流言以為太子有動搖之議審若此公卿以下  
必以死爭臣願先賜死以示羣臣帝意感悟曰無有  
此議且皇后謹慎先帝又愛太子吾豈可違指吾病  
寢加恐不能自還善輔道太子丹啼噓而起太子遂  
定至是即位

以元舅王鳳為大司馬大將軍領尚書事

尹氏起莘曰此外戚得權之始新莽篡弒之漸復霜堅冰可不戒哉

秋七月葬渭陵

永光四年以渭城壽陵亭部原上為初陵詔勿治縣邑既葬號渭陵在今西安

府咸陽縣東北

史臣曰元帝寬宏恭儉少而好儒及即位徵用儒生委之以政貢薛韋匡迭為宰相而帝牽制文義優柔不斲孝宣之業哀焉

孝成皇帝

己丑建始元年春正月石顯以罪免歸道死

時顯徙為中太僕

掌皇太后馬不常置

不復典權丞相御史

乃奏顯舊惡免官徙歸故郡憂懣道死左遷少府五

鹿充宗為元菟太守御史中丞伊嘉為雁門都尉及

牢梁陳順皆免官司隸校尉王尊

字子贛涿郡高陽人

劾奏丞

一尊數言所謂  
以衡鐘之心雖  
以碌碌衡乃明  
二者不大有所  
守哉

相衡御史大夫譚知顯等專權擅勢為海內害不以

時白奏行罰而阿諛曲從附上罔上無大臣輔政之

義皆不道事在赦前及赦後衡譚奏顯不自陳不忠

之罪反言先帝任用傾覆之徒百官畏之甚于主上

失大臣禮于是衡慙懼謝罪上丞相侯印綬帝新即

位重傷大臣乃左遷尊為高陵

注見前

令然羣下多是

尊者衡由是默默不自安

尊初為益州刺史行部即邾有九折坂前琅邪王陽

過之嘆曰奉先人遺體奈何數乘此險遂以病去及

尊至其坂曰此非王陽所畏道耶叱其馭驅之曰王

陽為孝子王尊為忠臣

九折坂

在四川雅州府榮經縣西邛邙山

有星孛于營室

營室二星天子之宮軍糧之府又土功事

封舅光祿大夫宗為安成侯賜譚商立根逢時爵關內

侯

後宗卒有遺腹子奉世嗣侯

夏四月黃霧四塞

詔博問公卿大夫無有隱諱諫大夫楊興博士駟勝等皆以為陰盛侵陽之氣也高祖之約非功臣不侯今太后諸弟皆以無功為侯外戚未曾有也大將軍鳳懼上書辭職優詔不許

秋八月有兩月相承

服虔曰相承在上下也

晨見東方

九月流星光燭地

長四五丈委曲蛇形貫紫宮

注見前

冬十二月作南北郊罷甘泉汾陰祠



匡衡奏言祭天于南郊就陽之義也瘞地

顏師古曰祭地曰瘞

禮故云瘞地

于北郊即陰之象也往者孝武帝于雲陽

見注

前立泰畤郊見皇天反北之泰陰于汾陰祠后土反

東之少陽與古殊制宜徙置長安定南北郊為萬世

基上從之既定衡又言享帝之義貴誠上質紫壇偽

飾女樂

顏師古曰漢舊儀祭天用六絃綺席六重用玉几并玉飾器凡七十女樂使童男童女俱

歌也及鸞路駢駒龍馬石壇之類宜皆勿修又雍廡密

上下畤本秦所立不當遵上皆從焉

明年復奏罷陳寶祠祠在今

陝西鳳翔府寶雞縣史記封禪書秦文公獲若石于陳倉北阪城祠之其神來嘗以夜光禪若流星從東南來集于祠城則若雄雞其聲或云以一牢祠命曰陳寶

庚寅二年春正月始親祠南郊

赦奉郊縣

長安奉南郊長陵奉北郊

減天下賦算錢四十

三月始祠后土于北郊

立皇后許氏

后車騎將軍嘉之女元帝傷母悲哀后居位日淺遭霍氏之事故選嘉女以配太子至是立為后

帝自為太子時

以好色聞及即位皇太后詔采良家女以備後宮杜  
欽說王鳳曰主上富于春秋未有適嗣方鄉術入學  
將軍宜建九女之制詳擇行義之家求淑女之質母  
必有聲色技能為萬世大法鳳不能用公羊傳諸  
侯一娶九女故  
欽曰九女之制

### 夏大旱

辛卯三年秋大雨京師民訛言大水至

關內大雨四十餘日京師民相驚言大水至奔走相  
蹂躪長安中大亂王鳳以為太后與上及後宮可御

船令民上城避水王商

宣帝舅樂昌侯武之子嗣爵為左將軍  
曰此必

訛言不宜重驚百姓乃止有頃稍定問之果訛言上

于是美壯商之固守數稱其議而鳳大慙恨

八月策免大司馬車騎將軍許嘉

欲專任王鳳故免嘉

冬十二月戊申朔日食夜地震未央宮殿中詔舉直言

極諫之士

杜欽

延年子字子夏茂陵杜鄴與欽同姓字俱以材能稱欽目偏盲故京師謂欽盲杜子夏以相別

欽惡

以疾見諛乃為小冠由是

谷永

吉之子

上對皆

京師更謂欽小冠杜子夏云

字子雲

匡衡傳經表言  
治道乃始以外  
戚史高而進終  
以穀子春邑而  
敗進退無據斯  
人之損矣

以為女寵太盛嫉妬專上將害繼嗣之咎

丞相樂安侯匡衡有罪免為庶人

初衡子昌為越騎校尉醉殺人繫獄昌弟謀篡

奪取也

昌事發覺衡徒跣待罪帝優禮之至是司隸校尉劾

衡多取封邑四百頃免為庶人終于家

壬辰四年春正月隕石于亳

注見前

四于肥累

漢縣即春秋肥子國注見

前二

罷中書宦官初置尚書員五人

注已見前

三月以王商為丞相

夏四月雨雪復詔直言極諫之士詣白虎殿

三輔黃圖  
未央宮有

白虎殿對策

時上委政王鳳議者多歸咎焉谷永以鳳方柄用陰

欲自托乃曰方今四夷賓服皆為臣妾骨肉大臣有

申伯之忠無重合

馬何羅弟通封  
重合侯事見前

安陽

上官桀  
事見前

博陸

霍禹事之亂竊恐陛下歸咎無辜重失天心不可之

見前

大者也誠宜深察愚言解偏駁之患使列妾得入人

谷永杜欽依憑  
權貴甘心為私  
門走狗而巧於  
詭覲徒持作官  
轉沽直諫之名  
難明經術賢能  
術之罪人耳

更進益納宜子婦人以慰釋皇太后之憂愠解謝上  
帝之譴怒杜欽亦做此意上以永為光祿大夫

秋桃李實

河決

先是清河都尉馮遂

遂由長樂屯衛  
司馬遷都尉

奏言郡承河上

流土壤輕脆易傷頃所以無大害者以屯氏河通兩  
川分流也今屯氏河塞靈鳴犢口又益不利獨一川

兼受數河之任雖高增隄防終不能泄九河

注見  
前今

既難明屯氏河絕未久其處易浚又其口所居高于

分殺水力道里便宜可復浚以助大河泄暴水備非

常事下丞相御史議格不行至是大雨十餘日河果

決于館陶及東郡金隄凡灌四郡三十二縣水居地

深者三文事聞以御史大夫尹忠對方畧疏濶切責

之忠自殺遣大司農非調

人名非子之  
後以名為氏

調均錢穀存

給所灌之郡

顏師古曰調發均平錢穀  
于遭水之郡使存給也

謁者發河南

以東漕船五百艘

先勞反

徙民避水



大將軍鳳以陳湯為從事中郎

帝初即位匡衡奏陳湯奉使顓命盜所收康居財物

湯坐免後湯以言事不實

湯言康居侍子非王子按驗實王子也

下獄

當死谷永上疏訟湯曰君子聞鼓鼙之聲則思將帥

之臣湯前斬郅支威震百蠻今坐言事非是欲致之

大辟非所以厲死難之臣也書奏乃詔出湯奪爵為

士伍會西域都尉段會宗

字子松上邽人

為烏孫所圍驛騎

上書鳳言湯多籌策習外國事可問上召見宣室示

以會宗奏湯知烏孫尾合不能久攻屈指計曰不出

五日當有吉語聞居四日軍書到言已解鳳奏以為

從事中郎幕府事一決于湯

後湯生惑衆不道免為庶人徙邊議即耿育復

訟其寃乃赦

還長安卒

已癸河平元年春以王延世

提為資中人

為河隄使者塞河決

杜欽薦王延世為河隄使者延世以竹落長四丈大

九圍

集覽落與絡通以竹篾為外藩而籠絡之

盛以小石兩船夾載而下

之三十六日隄成于是改元河平以延世為光祿大

夫賜爵關內侯

後二歲河復決平原流入濟南千乘所敗壞者半建始時復遣延世同丞相史

楊馬治之

六月乃成

夏四月己亥晦日食詔百官陳過失

時許皇后專寵後宮希得進見中外皆憂上無繼嗣  
劉向杜欽谷永皆以為言上于是減省椒房掖庭用  
度皆如竟寧以前故事

秋減死刑省律令

詔曰今大辟之刑千有餘條律令煩多百有餘萬言

竒

居宜請謂于常文之外主者反

他

比

毗至反謂引他類以比附之稍

增律條也

日以益滋自明習者不知所由欲以曉喻衆庶

不亦難乎其議減死刑及可蠲除約省者令較然易知條奏時有司不能廣宣上意徒鉤撫微細毛舉數事以塞詔而已

甲午二年春正月沛郡

本秦泗水漢改曰沛治相城在今江南鳳陽府宿州

故鐵官

冶鐵飛

劉友益曰金失其性也

夏楚國雨雹

大如釜

悉封諸舅為列侯

王譚為平阿侯商為成都侯立為紅陽侯根為曲陽  
逢時為高平侯五侯同日封故世謂之五侯

免京兆尹王尊官復以為徐州刺史

先是尊因王鳳薦

時南山盜宗備等為吏民害  
校尉傅剛不能禽故薦尊

徵為

諫大夫守京輔都尉行京兆尹事旬月間盜賊清遷  
光祿大夫守京兆尹凡三歲御史大夫張忠奏尊暴

虐免官吏民多惜之湖三老

注見前

公乘興等上書訟

尊治京兆前所希有今御史大夫奏尊原其所以出

御史丞楊輔與尊有怨外依公事傳致奏文臣等竊

痛尊修身砥節功著職修昨以京師賊亂選用為卿

賊亂既除即以佞巧廢黜一尊之身三期之間乍賢

乍佞豈不甚哉于是復以尊為徐州刺史

後遷東郡太守久之

河水溢尊親祀水神請以身填金隄因止宿隄上及水盛隄壞吏民奔走尊立不動水波稍卻三老朱英

等奏狀上嘉之秩尊中

二千石數歲卒于官

光武三年春二月捷為地震山崩

壅江水逆流

秋八月乙卯晦日食

求遺書

帝以中秘書頗散亡使謁者陳農求遺書于天下詔  
光祿大夫劉向校之向以王氏權位太甚而上方嚮  
詩書古文乃因尚書洪範集合上古以來歷春秋六  
國至秦漢符瑞災異之記推迹行事著其占驗號曰

心知之而不能  
吞在他人皆可  
言在為君者豈可  
無是理也

洪範五行傳論奏之帝心知向忠故為鳳兄弟起此  
論也然終不能奪王氏權

丙四年春正月匈奴單于來朝

初呼韓邪單于死子復株累若鞮單于

名雕陶

立

事在

建始二年因遣右臯林王伊邪莫演奉獻既罷伊邪莫演

自言欲降議者言宜受之谷永杜欽以為單于稱臣  
無有二心今既享其聘貢之職而更受其逋逃之臣  
是貪一夫之得而失一國之心也假令單于初立使



之詐降以卜吉凶或設為反間欲因而生隙受之適  
合其策使得歸曲而責直此誠邊境安危之原不可  
不詳也不如勿受以昭日月之信抑諉詐之謀上從  
之至是單于遂入朝

丞相王商多質有威重容貌絕  
人單于拜謁商仰視大畏之遷

延却退上聞而

嘆曰真漢相矣

三月癸丑朔日食

夏四月詔收丞相樂昌侯王商印綬商以憂卒

琅邪太守楊彤與王鳳連昏其郡有災害商按問之

鳳以為請商不聽竟奏免彤奏寢不下鳳以是怨商使人告商淫亂事上以為暗昧之過不足以傷大臣鳳固爭下其事司隸大中大夫張匡素佞巧復上書極言詆商詔勿治鳳固爭之乃使使者收商丞相印

綬商免相三日發病嘔血卒謚戾侯

子弟親屬皆出補吏莫得留給

事宿衛者有司請除

國邑詔子安嗣侯

以張禹

字子文河內軹人徙蓮勺

為丞相

封安昌侯

上為太子受論語于禹

禹從琅邪王陽膠東庸生問論語以博士鄭寬蒼詔授太

子論語

及即位賜爵關內侯拜光祿大夫給事中與王鳳並領尚書禹內不自安數病上書求退上不許撫待愈厚遂以為相

蜀賓

治循鮮城去長安萬二千二百里明史西域傳撒馬兒罕即漢蜀賓地隋曰漕國唐復曰蜀賓去嘉

峪關九千六百里遣使來獻

初武帝通西域蜀賓以絕遠漢兵不能至獨不服數剽殺漢使元帝時遣使者上書謝帝放其使者于縣

度

去陽關五千八百八十八里在烏托國西石山也豁谷不通以絕索相引而度絕而不通

至是復遣使來獻漢欲遣使者報送其使杜欽說王  
鳳曰蜀賓前親逆節故絕而不通今悔過來而奉獻  
者皆行賈賤人欲通貨市買以獻為名使者承至尊  
之命送蠻夷之賈非計也業已受節可送至皮山

國名

治皮山城去長安萬五  
十里西南當蜀賓道

而還于是鳳白從欽言蜀賓

實利賞賜賈市其使數年而一至云

蜀賓民巧雕文  
刻錐治宮室織

蜀刺文繡以金銀為錢文為騎馬幕為人面出封牛  
孔雀珠璣珊瑚虎魄流離明史西域傳其國傳有照

世杯光明洞澈照

之可知世事云

丁陽朔

以前年山陽火  
生石中故改元

元年春二月丁未晦日食

冬下京兆尹王章

字仲卿秦  
山鉅平人

獄殺之

章初為中郎將毀中書令石顯為顯所陷免官及帝  
立擢司隸校尉遷京兆尹時大將軍鳳用事上謙讓

無所顧章素剛直敢言雖為鳳所舉非鳳專權不親  
附鳳乃奏封事言日食之咎帝召見延問

上即位數  
年無繼嗣

定陶王來朝太后與上承先帝意遇王甚厚留之不  
遣歸國旦夕侍上甚見親重鳳心不便會日食因言  
日食陰盛之象定陶王當奉藩在國今留侍京師說  
正非常故天見戒宜遣之國帝不得已許之王辭去

上與涕泣而決

章因對曰陛下未有繼嗣引近定陶王所以

承宗廟奉社稷上順天心下安百姓何故致災異災  
異之發為大臣顓政者也今鳳不內省責反歸咎于  
定陶王建遣之國欲使天子孤立于上顓擅朝事以  
便其私且鳳誣罔不忠非一事也前丞相商守正不  
隨為鳳所罷身以憂死鳳小婦弟張美人已嘗適人  
託以為宜子內之後宮以私其妻弟此三者皆大事  
陛下所自見足以知其餘鳳不可令典事宜選忠賢

以代之上聞章言感寤謂章曰君試為朕求可以自  
輔者章薦琅邪太守馮野王鳳聞甚懼杜欽令鳳上  
疏乞骸骨辭甚哀太后聞之垂涕不食上乃彊起鳳  
而使尚書劾章

奏章知野王前以王舅出補吏而私  
薦之阿附諸侯又張美人體御至尊

非所  
宜言

下章吏廷尉致其大逆罪章竟死獄中

初章為  
諸生獨

與妻居章疾病無被卧牛衣中與妻決涕泣後章為  
京兆欲上封事妻止之曰人當知足獨不念牛衣中  
涕泣時邪章曰非女子所知也書上果下獄妻子皆  
收繫章小女年可十二夜起號哭曰平時獄上呼囚  
數常至九今八而止我君素  
剛先死者必君問之果死  
妻子皆徙合浦自是公

卿見鳳側目而視

野王懼不自安遂病滿三月賜告歸杜陵就醫樂鳳風御史劾奏野

王賜告養病而私自持虎符出界歸家奉詔不敬免官

以薛宣

字贛居東海郟人

為左馮翊

宣為郡所至有聲迹

宣由長安令補御史中丞出為臨淮太守遷陳留太守及

為左馮翊屬令有楊湛謝游皆貪猾不遜宣察湛

有改過之效乃密書曉之游自以大儒輕宣獨移書

顯責之二人得檄皆解印綬去宣得吏民罪名即告

其縣長吏使自行罰曰不欲代縣治奪賢令長名也



戊戌二年夏四月以王音太后從弟為御史大夫

于是王氏愈盛郡國守相刺史皆出其門五侯羣弟  
爭為奢侈賂遺珍寶四面而至然皆好士養賢傾財  
施予賓客競為之聲譽劉向上封事極諫曰王氏一  
姓乘朱輪華轂者二十三人青紫貂蟬充盈幄內大  
將軍秉事用權五侯驕奢僭盛依東宮顏師古曰東宮太后所居  
之尊假甥舅之親以為威重筦執樞機朋黨比周稱  
譽者登進忤恨者誅傷排擯宗室孤弱公族外戚僭

貴未有如王氏者也物盛必有非常之變先見為其  
人微象王氏先祖墳墓在濟南者其梓柱生枝葉扶  
疏上出屋根插地中事勢不兩大王氏與劉氏不並  
立如下有泰山之安則上有累卵之危陛下為人子  
孫守持宗廟而令國祚移于外親縱不為身奈宗廟  
何宜發明詔接近宗室疏遠外戚子子孫孫無疆之  
計也書奏帝召見向歎息悲傷其意曰君且休矣吾  
將思之然終不能用其言

秋關東大水

己亥三年春三月隕石東郡八

秋八月大司馬大將軍鳳卒九月以王音為大司馬車  
騎將軍詔王譚位特進領城門兵

王鳳疾上臨問之執手涕泣曰將軍病如有不可言  
平阿譚次將軍矣鳳頓首泣曰譚等雖至親然行皆  
奢僭不如御史大夫音謹敕臣敢以死保之初譚倨  
不肯事鳳而音敬鳳卑恭如子故鳳薦之鳳卒上以

音代鳳而詔譚領城門兵由是譚音相與不平

庚四年夏四月雨雪

以王駿

吉之子

為京兆尹

駿經明行修以陳咸匡衡薦遷諫大夫歷官至少府  
帝欲大用之出為京兆京兆典京師于三輔尤為劇  
唯趙廣漢張敞王尊王章及駿皆有能名故京師稱  
曰前有趙張後有三王

辛鴻嘉元年春二月帝始微行

上從期門郎或私奴或乘小車或皆騎出入市里郊

野遠至旁縣鬪難走馬常自稱富平侯家人富平侯

者侍中張放也

故安世元孫元帝妹敬武公主之子  
取皇后弟平恩侯許嘉女襲封富平

侯為侍中中郎將監長樂七  
六儀比將軍與上同卧起

寵幸無比故假稱之

三月丞相禹罷夏四月以薛宣為丞相

封高陽侯

禹以老病罷朝朔望位特進賞賜甚厚宣為相

宣以左馮

翊遷少府谷永言宣經術文雅足以謀  
王體斷國論乃擢為御史大夫遂相

官屬譏其煩

碎無大體不稱賢也

壬寅二年春三月飛雉集未央宮承明殿

三輔黃圖未央宮有承明殿

博士行大射禮

胡三省注古者天子諸侯大夫士皆有大射之禮博士所行士之射禮也

有飛雉集于庭登堂而雉又集太常宗正丞相御史

車騎府又集未央宮承明殿王音言曰天地之氣以

類相應譴告人君甚微而著雉者聽察先聞雷聲故

經載高宗雉雉之異

事見前

以明轉禍為福之驗今以

博士行禮之日大衆聚會飛集于庭歷階登堂而又

歷三公之府典宗廟骨肉之官然後入宮宿留其曉

人備具深切雖人道相戒何以過是

後帝使詔音曰  
聞捕得雉毛羽

頗推折類拘執者得無人為之音復對曰誰為佞詔  
之語誣亂聖聽如此陛下即位十五年繼嗣不立日  
日駕車而出流聞海內皇天數見災異尚不能感動  
陛下臣子何望獨有極言待死命在朝暮而已如有  
不然高祖天下當以誰屬乎宜謀于賢知克己  
復禮以求天道則繼嗣可立災異尚可銷也

癸卯三年夏王氏五侯有罪詣闕謝赦不誅

王氏五侯爭以奢侈相尚商嘗病從上借明光宮後  
又穿城引水注第中大陂以行船立羽蓋張周帷上  
幸商第見而銜之後微行出過曲陽侯第又見園中

土山漸臺象白虎殿于是怒以讓車騎將軍音商根欲自黜劓以謝太后上大怒使尚書責問司隸京兆知商等奢僭不軌阿縱不舉奏又賜音策書曰外家宗族彊上一身寢弱日久今將一施之

師古曰君其行刑罰

君其

召諸侯令待府舍是日詔尚書奏文帝時誅將軍薄昭故事音藉豪請罪商立根皆負斧質謝上竟不忍誅

冬十一月廢皇后許氏



初許皇后與班婕妤

班氏楚鬪班之後以名為皆有  
氏婕妤越騎校尉况女

寵上嘗游後庭欲與婕妤同輦辭曰觀古圖畫賢  
之君皆有名臣在側三代末主乃有嬖妾今欲同輦  
得無近似之乎上善其言而止太后聞之喜曰古有

樊姬

列女傳樊姬楚莊王夫人王好獵姬數諫不令  
聽乃不食禽獸肉二年王感之而勤政事 今

有班婕妤後帝微行過陽阿主家悅歌舞者趙飛燕  
召入宮大幸女弟復召入

妾性尤醜粹左右皆噴噴  
嘆賞有宣帝時披香博士

淖方成在帝後唾曰此禍水也滅火必矣 姊弟俱為婕妤貴傾後宮于是

譖告許皇后班婕妤祝詛主上

后姊平安剛侯夫人  
謁等為媚道祝詛後

宮有身者王美人及王鳳等事發  
覺太后大怒下吏考問謁等誅死

許后發處昭臺宮

考問班婕妤對曰妾聞死生有命富貴在天修正尚

未蒙福為邪欲以何望使鬼神有知不受不臣之愬

如其無知愬之何益故不為也上善其對赦之婕妤

久恐見危乃求共養太后于長信宮上許之

後帝崩  
婕妤充

奉園陵卒

因葬園中

甲辰四年秋河水溢

渤海清河信都河水溢灌縣邑三十一敗官亭民

舍四萬餘所李尋

平陵人字子長治尚書好洪範災異

等奏言議者常

欲索九河故道而穿之

時河隄都尉許商與丞相史孫禁共行視圖方畧禁以為

可決平原金隄間開通大河令人故篤馬河至海五

百里商以為古九河有徒駭胡蘇鬲津今見在成平

東光鬲界中相去二百餘里今河雖數移徙不離此

域禁所欲開在九河南失水之迹不可許公卿皆從

商言 篤馬河在山東平原縣逕樂陵陽信其入海

處亦曰陷河徒駭河胡涓以為即禹河入海故道注

見前胡蘇河在直隸東光縣今縣有胡蘇亭于欽齊

乘曰滄州南有大連澗即胡蘇也鬲津河在今山東

德州逕德平樂陵至海豐入海成平兩皆 今因其自

漢縣注見前東光今縣屬直隸河間府

決可且勿塞以觀水勢河欲居之當稍自成川跳出沙土然後順天心而圖之必有成功而用財力寡于是遂止不塞朝臣數言百姓可哀上遣使者振贍之冬以趙護

河東都尉

為廣漢太守討賊鄭躬等平之

先是廣漢鄭躬等篡囚徒盜庫兵自稱山君

事在三年至

是黨與寢廣犯歷四縣拜護為太守發郡中及蜀郡

兵合三萬人擊之或相捕斬除罪旬月平遷護為執

金吾

後陳留樊並山陽鐵官徒蘇令復攻殺長吏自稱將軍延歷數郡皆即捕誅事在永始三年

王譚卒詔王商位特進領城門兵

譚卒上悔前廢之不輔政而薨也乃復詔成都侯商

以特進領城門兵

置幕府得舉  
吏如將軍

杜鄴說音宜承聖意

加異往時每議必與及之音由是與商親密

己永始元年夏四月封趙臨為成陽侯下諫大夫劉輔

河間  
宗室獄論為鬼薪

上欲立趙婕妤為皇后皇太后嫌其所出微難之太

后姊子淳于長

魏郡元城人少為黃門  
郎以王鳳薦至九卿

往來通語歲

餘始許之乃先封侯仔父臨為成陽侯劉輔上言臣

聞天之所與必先賜以符瑞天之所違必先降以災

變此自然之占驗也昔武王周公承順天地以饗魚

鳥之瑞然猶君臣祇懼動色相戒况于季世不蒙繼

嗣之福屢受威怒之異者乎雖夙夜自責改過易行

妙選有德之世考卜窈窕之女以承宗廟順神祇子

孫之祥猶恐晚暮今乃觸情縱欲傾于卑賤之女欲

以母天下惑莫大焉書奏詔繫掖庭秘獄

顏師古曰  
漢書舊儀

掖庭詔獄令丞官者為之主理婦人女官也

于是辛慶忌

武賢子

廉褒師

丹

師以官為氏丹字仲公琅琊東武人

谷永俱上書救援

畧曰臣聞明王垂寬容之

聽不罪狂狷之言然後百僚竭忠不懼後患竊見劉輔前以縣令求見擢為諫大夫旬月之間下秘獄臣愚以為輔新從下土來未知朝廷體獨觸忌諱不足深過如有大惡宜暴治理官與眾共之惟陛下留神察上乃徙繫輔共工獄

師古曰少府之屬官也亦有詔獄

減死罪一

等論為鬼薪終于家

五月封太后弟子莽為新都侯

國都陽新野之都鄉

太后兄弟八人獨弟曼早死不侯子莽幼孤時五侯

白君易詩以周公王莽真偽必

於事後始見乃世俗修之論  
向嘗有詩及其  
意夫周公不具  
論若莽也取行  
違即虛譽隆洽  
時其蹟一一可  
按何待事後哉

侈靡子弟以輿馬聲色佚游相高莽因折節為恭儉  
勤身博學被服如儒生事母及寡嫂養孤兄子行甚  
敕備又外交英俊內事諸父曲有禮意鳳且死以莽  
託太后及帝拜黃門郎久之成都侯商又請分戶邑  
封莽至是封新都侯遷騎都尉光祿大夫侍中宿衛  
謹敕爵位益尊節操愈謙振施賓客家無所餘收贖  
名士交結將相故在位更推薦之虛譽隆洽傾其諸  
父矣



六月立僖仔趙氏為皇后

后既立寵少衰而其女弟絕幸為昭儀居昭陽宮皆以黃金白玉明珠翠羽飾之自後宮未嘗有焉后居別館多通侍郎宮奴多子者然卒無子光祿大夫劉向以為王教由內及外自近者始于是采取詩書所載賢妃貞婦興國顯家及孽嬖為亂亡者序次為列女傳又采傳記行事著新序說苑奏之數上疏言得失陳法戒上雖不能盡用然內嘉其言常嗟歎之

秋七月詔罷昌陵反故陵勿徙吏民

初元帝儉約渭陵不復徙民起邑至帝以渭城延陵

亭部

在今西安府咸陽縣西北

為初陵數年復樂霸陵曲亭南更

起昌陵營之將作大匠解萬年自說三年可成請徙

郡國豪傑于昌陵帝從之制度泰奢功久不就劉向

上書諫

畧曰孝文皇帝嘗美石椁之固張釋之曰使其中有可欲雖錮南山猶有隙夫死者無終

極而國家有廢興故釋之之言為無窮計也黃帝堯舜禹湯文武周公邱隴皆小葬具甚微其賢臣孝子亦承命順意而薄葬之此誠奉安君父忠孝之至也孔子葬母于防墳四尺延陵季子葬其子封墳掩坎

其高可隱故仲尼孝子而延陵慈父舜禹忠臣周公  
弟弟其葬君親骨肉皆微薄非苟為儉誠便于體也  
秦始皇帝葬于驪山之阿下錮三泉上崇山墳數年  
之間項籍燔其宮室營宇牧兒持火照求亡羊失火  
燒其藏椁是故德彌厚者葬彌薄知愈深者葬愈微  
邱隴彌高宮廟甚麗發掘必速唯陛下上覽明聖之  
制以為則下觀亡  
秦之禍以為戒

上感其言詔罷昌陵反故陵勿徙  
吏民萬年以邾佞徙敦煌

封蕭何六世孫喜為鄼侯

喜時為南  
漢縣隋更名鉅鹿  
今屬直隸順德府  
長以杜業請故封喜  
傳

至曾孫禹更為蕭

鄉侯王莽敗絕

八月太皇太后崩

宣帝卽成  
王皇后

九月黑龍見東萊

丁巳晦日食

丙午二年春正月大司馬車騎將軍音卒

諡曰  
敬

王氏惟音為修整數諫正有忠節

子舜嗣為  
太僕侍中

二月星隕如雨是月乙酉晦日食

谷永為涼州刺史奏事京師上使尚書問永所欲言  
時帝溺于燕樂皇太后與王商等深以為憂乃使永

因天變切諫而勸上納用之永亦知有內應展意無

所依違遂具疏對

畧言去年九月龍見日食今年二月星隕日食六月之間大異四發

三代之末未嘗聞也臣聞三代所以隕喪者皆由婦人與羣惡沈湎于酒秦所以亡者養生太奢奉終太厚也今陛下兼而有之建始河平之際許班熏灼四方女寵極矣今之後起什倍于前掖庭獄阱生入死出者不可勝數是以日食再既以昭其辜陛下棄萬乘之至貴樂家人之賤事聚儻輕無義小人以為私客數離深宮晨夜與羣小相隨烏集吏民之家亂服共坐沈湎媠媠典門戶奉宿衛之臣執干戈而守空宮公卿百僚不知陛下所在積數年矣陛下輕奪民財不受民力去高敞陵改作昌陵大興絲役靡敵天下五年不成而後反故百姓怨恨上下俱匱無以相救漢興九世繼體之主或以中興或以治安陛下獨

違道縱欲輕身妄行無繼嗣之福有危亡之憂為人  
後嗣如此豈不負哉誠肯昭然遠寤舊愆畢改新德  
既章則大異可銷天命  
可復社稷宗廟可保 對上上大怒王商密摘永令

發去上使侍御史收永敕過交道廐

在今西安府咸陽縣西北者

勿追御史不及永還上意亦解

三月以王商為大司馬衛將軍王立位特進領城門兵  
侍中張放以罪左遷北地都尉

上嘗與張放等宴飲禁中皆引滿舉白談笑大噓時  
乘輿幄坐屏風畫紂醉踞妲己作長夜之樂侍中班

伯

況之子俊仔之弟以王鳳薦  
由中常侍至侍中光祿大夫

久疾新起入見上指

畫問之曰此圖何以示戒伯對曰沈湎于酒微子所以告去也式號式諄大雅所以流連也詩書淫亂之戒其原皆在于酒上乃喟然嘆曰吾久不見班生今日復聞讜言放等不懌稍自引起更衣因罷出後上朝東宮太后泣曰帝間顏色瘦黑班侍中本大將軍所舉宜寵異之以輔聖德遣富平侯且就國上曰諾時上諸舅皆害放寵聞太后言風丞相薛宣御史大

夫翟方進

字子威汝南上蔡人

奏放罪惡上不得已左遷放為

北地都尉數月徵入為侍中復出為天水屬國都尉

上雖愛放然上迫太后下用大臣故常涕泣而遣之

既去璽書勞問不絕

後放歸侍母疾疾瘳出為河東都尉復徵為侍中丞相翟方進

復奏放上不得已免放賜錢五百萬遣就國及帝崩放思慕哭泣而死

冬十一月策免丞相及御史大夫翟方進復以方進為

為丞相

封高陵侯

孔光

字子夏孔子十四世孫霸之子

為御史大夫

太皇太后王氏崩喪事倉卒吏賦斂以趨辦

師古曰趨讀曰



趣與促同  
言苟取辦

上以過丞相御史策免宣為庶人方進左

遷執金吾丞相官缺羣臣多舉方進上亦器其能擢

方進為丞相以光為御史大夫

方進公潔請托不行持法刻深任勢立威

史云方進公潔持法然跡其所劾者不過陳咸蕭育輩無足重輕之人不法如五侯則殊不一語矣至稱孔光不希指苟合夫附者頃頃王莽無所不為豈其

中傷甚多陳咸朱博蕭育逢信孫闓之屬皆京師世家以材能少歷牧守列卿知名當世方進據法以彈皆罷退之有言其挾私誣欺者上以方進所舉應科不以為非也光領尚書典樞機十餘年上有所問據經法以心所安而對不希指苟合如或不從不取強爭以是久而安時有所言輒削草藁以為章主之過以奸忠直人臣大罪也有所薦舉惟恐其人聞知沐日歸休兄弟妻子燕語終不及朝省政事或問光溫室樹皆何木也光不應更答以他語其不泄如是

少尚廉隅老而  
貶節耶然史論  
當要以終身不  
可阿其所好

打三年春正月己卯晦日食

冬十月復秦時汾陰五時陳寶祠

初帝罷甘泉秦時

事在建始元年

其日大風壞甘泉竹宮

禮樂

志武帝用事甘泉園丘至夜常有神光天子自竹宮而望拜韋昭曰竹以為宮天子居中漢舊儀云竹宮去壇折拔時中樹木十圍以上百餘帝異之以問劉三

向對曰家人尚不欲絕種祠况于國之神寶舊時且

其始立皆有神祇感應誠未易動上意恨

顏師古曰悔也

之

又以久無繼嗣令詔有司復甘泉秦時汾陰后土如

故及雍五時陳倉陳寶祠是時上頗好鬼神方術祠  
祭費用多谷永上書曰臣聞明于天地之性不可惑  
以神怪知萬物之情不可罔以非類諸背仁義之正  
道不遵五經之法言而盛稱竒怪鬼神及有仙人服  
食不終之藥黃白變化之術者皆詐偽欺罔聽其言  
洋洋滿耳若將可遇求之盪盪如繫風捕景終不可  
得是以明主距而不聽聖人絕而不語惟陛下距絕  
此類毋令姦人有所闖闢上善其言

後帝崩復南北  
郊長安如故哀

帝建平二年又復甘泉泰畤汾陰后土祠  
至平帝元始五年復南北郊如匡衡等論

故南昌尉梅福

九江壽春人明尚書穀梁春秋為郡文學補南昌尉

上書不報

福數因縣道上變事

顏師古曰附縣道之使而封奏也

輒報罷至是

復上書曰士者國之重器得士則重失士則輕臣聞

齊桓之時有以九九見者

顏師古曰九九算術若今九章之類

桓公不

逆今臣所言非特九九也自陽朔以來羣臣皆承順

上指莫有執正故京兆尹王章面引廷爭戮及妻子

折直士之節結諫臣之舌天下以言為戒最國家之

大患也往者不可及來者猶可追方今君命犯而主

威奪外戚之權日以益隆陛下不見其形願察其景

建始以來日食地震三倍春秋水災亡與比數陰盛

陽微金鐵為飛事見前此何景也親親之道全之為右

今迺尊寵其位授以魁柄勢凌于君權隆于主然後

防之亦亡及已上不納時福家居常以讀書養性為事至元始中王莽顛政福一

朝棄妻子去人傳以為仙其後有見之于會稽者變名姓為吳市門卒云

中戊四年秋七月辛未晦日食

以何武

字君公蜀郡郫縣人

為京兆尹

武當二千石有非應時輒奏正

所云守法盡公

小何獨赫赫名

武後以所舉方

止跪

建武

延

何武取去思之

息以致涇渭莫

所即觀人奇所

以必察其所安

也




武為吏守法盡公進善退惡所居無赫赫名去後常見思其為刺史時二千石有罪應時輒奏行部必先

學宮見諸生問以得失然後入傳舍問墾田美惡

見二千石

後以所舉方正詭眾虛偽生左遷楚內史又遷沛郡太守復入為廷尉

御批歷代通鑑輯覽卷十八



總校官進士 臣程嘉謨

校對官編修 臣蔡廷衡

謄錄監生 臣蔡紹武